



職方典第七百二十七卷

鎮江府部彙考三

鎮江府城池考

通志府志合載

本府 丹徒縣附郭

鎮江府城池土城周二十六里十七步高九尺六寸吳時爲京城孫韶嘗繕治之唐乾符中周寶再加修築太和中觀察使王璠鑿壕深數尺東西夾城高三丈一尺明洪武元年指揮宋禮請於朝更築塹以磚石周九里十三步高二丈六尺萬曆十二年知府吳撫謙於府後附城築垣與城齊以衛府治二十一年周廻城垣復加高三尺迤北附垣增建虛臺一與北固山相對門四東曰朝陽西曰金銀南曰虎踞夾城向北增設一小門北向曰定波水關二

外縣

丹陽縣城池祥符圖經云雲陽故城周廻五百六十步高一丈五尺四面無壕卽古簡州城也咸淳志云周廻三里上多古木東門在斜橋西門在縣前南門在草堰北門在觀音山代遠傾

圮元以後久廢明嘉靖三十四年倭寇內地知縣陳奎始築內城周廻九百七十九丈徑三百三十三丈有奇高二丈二尺下闊三丈上半之四面各開一門上施樓櫓東曰通漕西曰望京南曰迎薰北曰鎮湖又於通漕門之右開水關石閘一嘉靖三十五年倭船艤孟瀆口突犯河莊城下內地戒嚴時城既築市民遺於外者十之七居人患其隘巡撫張景賢令於城外稍壘土城嘉靖三十六年知縣史永壽請增築焉建城門五座東門在麻巷小東門在運河南門在草堰小南門在新巷北門在倉橋西門在縣治仍其舊敵臺二座水關二座接內河跨漕渠延袤九里壕闊八丈餘始合內外城爲一雲陽驛先在邑內漕艘官舫悉經城外水關至晝夜不得閉萬曆戊子知縣周應鰲深濬外隍令通舟楫而移驛於西門外邑民便之自南迄西深一丈五尺廣十一丈互八里

金壇縣城池唐長壽元年築萬歲通天中發以甃週七百步高一丈五尺門十有一歲久湮廢爲平地明正德壬申流賊至江上知縣董相率衆廣之修築土城週一千二百四十二丈高二丈下闊三丈上半之城門六東曰通吳南曰平湖西南曰迎蹕西曰望山西北曰丹陽北曰望

潮并水關皆甃以石上各有樓下各跨壕爲橋乙亥知縣劉天和以關基不固又改築之嘉靖甲寅倭警知縣趙圭始甃以甃疊石爲基週一千二百三十四丈六尺高二丈六尺爲門者六東曰景陽南曰弘化曰興元西曰望華北曰拱辰曰揚武外各有橋爲關者二南曰會龍北曰會潮萬曆庚辰知縣劉美易城門興元曰文明拱辰曰拱極揚武曰朝天萬曆乙酉知縣許弘綱復改築兩水關高廣於昔天啟四年大水東城圯百餘丈知縣楊錫璜修之

皇清順治三年北城圯二十餘丈知縣胡延年修之康熙十三年以歲久多傾圯知縣康萬寧修之十五年城西北圯二十餘丈知縣李麟修之按舊志隍週城東廣二丈深一丈西廣一丈五尺深八尺濠則周流少旱乃濶今築城後水關既溢西壕復淺上流四十八汊之水唯賴東壕分洩又以朝天景陽弘化三門浮橋石梁塞壕之半故時雨則城北之水高於城南者五六尺而歲歲被溺大加開濬尤恤民之急務也

鎮江府關梁考

府縣志合載

本府 丹徒縣附郭

千秋橋在府治西晉王恭作萬歲樓於城上其下有橋因名千秋宋嘉定間郡守史彌堅重建明永樂中更名永安橋弘治十四年與城南虎踞橋俱圯知府王存中皆重建 綠水橋在

千秋橋西唐以來有之唐杜牧之詩云青苔寺裏無鳥跡綠水橋邊多酒樓宋乾道中郡守蔡洸重建仍舊名俗呼爲高橋明洪武初重修更名鼎新橋弘治壬子知府鄭傑重修萬曆辛巳圯知府徐桓重修 嘉定橋在千秋橋南舊名利民橋宋淳熙間郡守錢良臣甃以磚覆以亭邑人呼爲錢公橋嘉定初郡守復甃以石易今名俗呼鎮方橋

皇清康熙初邑人高拱斗重修

清風橋在嘉定橋南宋景祐間郡守范希文重建俗呼爲范公

橋蘇子瞻懷刁景純詩有傷心范橋水之句嘉泰開禧間郡守辛棄疾甃石 長橋在清風

橋南宋嘉定乙亥重建

通濟橋在南水門上元延祐二年守臣太平因水門舊址創建蜀

楊如山記後圯至順二年重建今名南水關

虎踞橋在虎踞門口爲郡孔道明萬曆丙子

知府張純易之以木春運時撤民大不便後知府蘇兆民易以石更名泰運 迎恩橋在金

銀門外明成化己丑知府翟敬重建弘治乙卯知府鄭傑重修

鎮西橋舊名拖板橋在今

社稷壇前大曆二年廢至順二年重建明正統中侍郎周忱郡守郭濟重建太常少卿鄭雍言記

皇清康熙初邑人高拱斗重修

通阜橋當金銀門口舊爲板橋因係街道明萬曆時易以石橋

程公橋在上開南宋嘉定前已廢

嘉泰橋在市東紫金坊宋嘉泰間造故名俗名眞子橋

後廢重建更名中市橋

張公橋在中市橋北舊名湯家橋

柏家橋在張公橋北

懷德橋在綠水橋南

水碓橋在丹陽館西

斜橋在積善坊元名登瀛橋舊縣儒學東

北 大園橋在乾元萬壽宮北

小園橋在大園橋西大園小園以近江園岸大小名市

河之水皆由此二橋出江

韓氏橋在嘉泰橋南

染皂橋在市南旌孝坊今刁家巷上

有亭宋景定中郡民重建俗呼觀音橋亭廢明正德六年楊少保家重建

火炭橋在養濟

西院

眞珠橋在火炭橋南俗呼西橋

皇祐橋在市南坊明初得斷碑於橋下乃宋皇

祐間所建故名

朝眞橋在皇祐橋東南以近東觀故名

石碓橋在元妙坊口舊橋下

有石碓今廢

壩子橋在石碓橋東舊名壩子頭里人建

折橋在清風橋側受漕水折

旋而入市河今名小橋

新觀橋在光孝觀西舊名社壇橋

觀東橋在光孝觀東

七獅橋在舊丹徒縣治西上有石狻猊七枚故名俗呼道人橋橋下有石翁仲二若道士然

利涉橋在城西知府藩一桂建尋易以木後甃以石又名浮橋

西園橋在放鶴門內

關門橋在登雲坊西城西舊有西坊門是橋介二門間取關通之義爲名

三折橋在關門

橋北今名洪濟橋

師姑橋在三折橋西北

紅門橋在紅門子寨內

龔家橋在博

馬務巷

圓通橋在唐頰山後舊名土橋

水西橋在水西門

夢溪橋在朱方門外

水源自圓通溝入漕渠以沈內翰括居夢溪故名宋嘉泰中郡守辛棄疾重修舊呼小橋

烏盆澳橋在嘉定橋東南

菜市橋在市南坊舊菜市所在故名

古老橋在清風橋東

北 蘇公橋在范公橋東南

林大師橋在蘇公橋南林仁肇廟在橋東因名

通吳

橋在長橋東南

吳橋在通吳橋南

雙寨門橋在吳橋東水源發京峴山過吳橋入長

河

捲蓬橋在欽賢門外北固山埂下

得勝橋在朝陽門口年久傾圯順治間重建

青龍橋在雜造局前

縣橋在製錦坊丹徒縣治在此故名

胭脂橋在後百禮堂今縣

學西 小橋在胭脂橋南 西城橋在府治西宋嘉定十五年郡守趙善湘建北通郡治

南通餉臺官府行其上行往來其下今廢 便民橋在南水關外明弘治中建今爲木橋

昇仙橋在城南鶴林寺相傳緋衣杜鵬花神自橋騰空去 洗馬橋在京口驛西唐太子洗

馬陳翌建故名 金盞橋在城西陽彭山下 柳溪橋在平等寺前今廢 東鴻鶴橋

在仁和門外俗呼孩兒橋石欄作孩兒狀故名 西鴻鶴橋在放鶴門外 香花橋在鶴

林寺前 樂昌橋 程道橋 鮑家橋並在登雲門外 螽斯橋在南門外土城下

里人爲祈子建 雙和橋在城西運河邊邑人程可聘建 太平橋在北水關內新察院

左係木橋 戴港橋 柳港橋 大港橋 黃泥橋 向家橋 韓渡橋

杜家橋並在丹徒東鄉 樊橋 潤壁橋 徒兒橋 倒流橋 洩港石橋並在

大慈鄉潤壁 下渚橋 羅木橋 七里橋 樂亭橋 炭渚橋 都里橋

蘆定橋並在義里鄉下渚樂亭炭渚見圖經 高資橋在義里鄉元延祐五年邑人蔡杞等

重建吏部主事俞庸記

皇清順治戊戌邑人重建今名東方橋

觀音橋在澗壁鎮其上有亭弘治辛酉修建

上會

橋 烏莫橋並在高平鄉

馬公橋在新豐鎮跨澮河舊爲明知縣陸夢祖建名陸公橋

皇清康熙十年傾圯里人募重建巡撫都御史馬公祐捐貲以助因易名馬公橋

永寧橋在崇

德鄉丹徒鎮跨運河康熙十九年重建

東橋在崇德鄉內通白兔高山之水潞河須高築

官壩以防山水陡發

丁卯橋在城南三里晉元帝子裒鎮廣陵運糧出京口爲水涸奏請

立埭以丁卯日制可後人構橋因名唐許渾築別墅於其側渾有歸丁卯港詩明楊文襄一清

有丁卯橋別業

顏洲橋

開禧橋

波查橋

車村橋

黃水碓橋並在崇德

鄉 丁角鎮上下二橋

千秋橋

張部橋

劉偃橋

都灣橋

曲陽橋

小時橋

蕭子橋

呂家橋

萬歲橋

臥龍橋並在洞仙鄉此鄉舊隸延陵惟丁

角一橋見圖經

埤城南北二橋

寨橋

草村橋並在平昌鄉

上塘石橋

彭橋

白露橋

官塘橋

楚墓橋

大地橋

畫師橋

棧岡橋

劉公

橋並在長樂鄉

西津渡去府治九里北與瓜洲對岸舊謂之蒜山渡唐李德裕爲浙西觀

察使於蒜山渡嚴勒渡邏卽今西津渡也宋乾道中郡守蔡洸置五艘以禦風濤之患各置旗一以利涉大川吉五字爲識其受有數發有序又別浮輕舸以送郵傳遂鮮有風波之患元延祐中以總管段廷珪言增船十五官收船資以免脅勒泰定中革去濫設排岸監渡人吏尋以船資不便罷之明正統間巡撫侍郎周忱作艦二畝水工三十餘以濟渡又瑩石堤三十餘丈直抵江臯人免病涉萬曆中知縣龐時雍遇風禁渡諸船各立號限以人數懸榜立石人鮮覆溺 石公渡在定波門外去府治九里石公山下渡江至開沙 高資東西渡在縣西四

十里東達儀真西至鐵錠橋

大港渡在大港鎮西北渡至揚州苑林村韓橋渡在丹徒鄉

宋朱倬詩陽溪人喚漁樵動江上潮平船欲行卽此渡也

甘露港渡唐孟浩然詩愁殺渡

頭人指此

焦山渡

諫壁渡

丹徒渡

柳港渡

大港渡

水東堡渡

馬師橋渡

段固渡

當江渡

莫家港渡

丹陽縣

雲陽橋在縣東漕渠上舊名清化橋俗名賢橋宋嘉熙中劉宰重建王遂記明成化中知縣蔡

寶重建弘治中濬河拆毀知縣李循重建

皇清康熙十三年復圯邑宰管承基重建

來秀橋在儒學采芹池上

孔家橋在草巷南市

河上俗名板橋因有孔氏所居故名宋咸淳間建明成化間重建

寺前橋在曹寧寺前市

河上元至正間建明景泰中圯成化四年里人孫思孝等重建

三思橋又名再思橋在縣

治前直街河上元大德間重建上有偉亭

廣濟橋在三思橋南舊名冰清橋俗呼居家橋

宋咸淳間邑人孫士元建

安鎮橋在雙井巷南俗呼南橋宋咸淳間磚匠胡永興建明成

化中里人梅文節募鄉人重建

太平橋在縣治東一名廣濟又名市西橋元泰定間建接

舊志名富家橋宋寶祐甲寅邑宰胡夢高重建故又稱胡公橋

民安橋去縣東一里元泰

定間建俗呼王家橋卽廣濟橋北妙覺寺西之橋也

紀家橋在民安橋北去縣東一里因

宋進士紀霖所居得名元至正間重建又呼孫家橋又名花橋

洪家橋在南河上宋學士

洪興祖居此故名元泰定間重建今廢

仁智橋在南河上北通太平橋宋咸淳間建

掩龍橋在妙覺寺前

慶豐橋在縣東北凝真觀西因近土地陳司徒廟亦名土地橋宋淳

熙間建

仲家橋在慶豐橋北今廢

惠政橋在雲陽橋右因民不病於徒涉故名俗名

斜橋明成化乙未重建弘治丁巳復建

簡橋在簡瀆上去縣南五里因晉諶姆元君擲簡

於此爲橋以度許吳二真君故名明永樂中重建

七里橋在縣東南七里漕渠珥瀆口宋

元祐中建明成化乙酉知縣蔡實復建嘉靖間知縣來汝賢改名麥舟橋汝賢作箴序略曰橋

何以名麥舟志義也橋去邑治七里而近南受麥溪之水會珥河東入於孟瀆而麥溪也者以

昔范忠宣公遇石曼卿於此聞其三喪未舉以所載麥舟付之因以名也予旣畢治橋之役爰

易之名亭其東隙地而爲之箴以風邑人云

嘉成橋在縣南四十里珥村鎮宋嘉定中漫

塘劉宰重建

黃堰橋在縣南四十五里珥瀆上亦名通德橋宋咸平中建

左墓港橋

在縣南四十五里以有唐左恢墓故名宋咸平中建嘉定間劉漫塘又建

左莊橋因尙書

左恢莊居得名

越

越讀爲掘

塘橋在左港西宋祥符間邑人陳誠建

忠顯橋在越塘村後

漢王廟側俗名越塘石橋宋祥符中二橋並建按越塘爲少陽陳公故居迄今故跡依然二橋

如故

寨橋在縣北七十里

寶慶橋在縣南三十五里大河上俗呼延陵市石橋宋寶

慶間建

望仙橋在延陵鎮南橋畔地有名董陂及董墓俗傳董永妻仙去之處

分金

橋在延陵鎮西又名破埭或云管鮑分金處

登雲橋在滕村明萬曆癸未尚書姜寶建

萬年橋在延陵縣放生池上唐貞觀中建

泰定橋在呂城鎮漕渠上元泰定間里人龐舜

舉建嘗呼爲大橋

青龍橋

處落橋俱在呂城鎮青龍以清微觀左得名

馬林橋

在辰溪上長山八十四派水皆由此入練湖宋嘉定間里人馬萬里建

新河橋在縣東便

民倉後九曲河口岸上

陳家橋在倉橋南一里舊名朝陽明洪武間僧滿繼建成化間里

人任鈿重建

華店橋在縣東十里宋景定間里人華福成建明洪武間里人徐義重建

挽角橋在縣東十五里挽角村後

荆村橋在縣東十五里荆村元至元間里人東崇文建

明永樂中僧一慧重建

山城橋在九曲河上元至正間東崇文建

三成橋在縣西二

十里明永樂間建

蕭塘橋在縣東二十二里蕭塘港又名顏橋元泰定間建

東陽橋

在縣東二十八里

小利橋在縣東三十五里小利村宋時建

博望橋在縣東四十里

博望村

曲水橋在縣東五十里明洪武間建

龍巷橋在曲水橋北五里明正統間包

港巡檢黎某重建

馬嘶橋在縣東北六十里在馬嘶港上

大泊橋在縣東北十五里

大泊村元延祐間中峯和尚建

丁橋在縣南七十里丁橋鎮或云以丁令威得名

下

琴橋在縣南五十里下琴村

李莊橋在縣東南五十里李莊村

楊西橋在縣東南四

十五里楊西村丁義瀆上亦名安豐橋元至正間建

德新橋在縣南五十里竹塘南亦名

竹塘橋先有竹塘橋三字類歐陽率更書法乃真隱孫淑真之筆也今無

道士橋在縣東

南六十里白鶴溪上近太霄觀故名明洪武中建

太華橋在縣東南六十里太華村白鶴

溪上宋祥符間建明洪武中重建

迎仙橋在縣東七十里十四都歸真觀前唐開元間建

後亭橋在歸真觀後宋祥符中建

鴻鳴橋在延陵鎮北唐中和間建

虎溪橋在妙果

寺前明景泰中建

奈何橋在九里廟前又名九里橋

皇甫橋在縣東南四十里皇甫

冉居此因名

蔣墅橋在縣南七十里蔣墅村

閻塘橋在縣南三十五里元符宮莊東

泄橋在縣西十里以練湖蓄洩得名元泰定間建明成化庚寅重建

花埠橋在縣西北三

十里花埠鋪明初建

楊巷橋在縣東北五十里

劉泰橋在縣西十里明洪武間建

吳陵橋在縣西十五里高陵明洪武間建成戊子重建在吳王墓側故名

方濟橋在縣

東北十八里漕渠東岸宋皇祐中建明永樂中重建後壞成化間以木爲之

福安橋在縣

東北大同寺前宋延祐間建

福緣橋

善慶橋並在縣東石潭村

新橋在便民倉

側漕渠上明正統間知縣陳誼建弘治十年知縣高謙復建

尹公橋在縣東門外明知縣

尹良任建

天寶橋在太霄觀西宋開禧間建元時重建

芮家橋在縣東南二十里元

至元間建

西門橋在西水關外今圯

小東門橋在東水關外

大南門橋在大南

門外

北門橋在北門外

草堰南門橋在草堰南門外

麻巷門橋在麻巷門外

軍家渡

李莊渡

何家渡

周家渡

花家渡

金壇縣

觀光橋在儒學前泮池上又名泮橋以行者至此得瞻聖賢遺像而景仰其風度故名

去

思橋在譙樓外上爲陂陀下爲石函以通行潦相傳邑人至此則思名宦遺愛名以諷後賢一

名再思令訟者至此再思之可止卽止

三思橋在縣前街南百步許就街心爲陂陀下爲

石函以通行濱令訟者赴縣至此三思之

文清橋在縣治東百步舊名行香橋宋淳熙中

甃石改名惠政淳熙末知縣張佐率衆重修端平中劉文清宰撤而新之改名端平橋後人仰文清之風因改名文清橋俗呼新橋明嘉靖四十四年橋圯邑人于未重建廣二十尺崇倍之袤又倍於崇兩翼以欄與袤稱下峙橋木令深密交固而後臥石爲足洞石爲門層石爲堦清河橋舊名安定橋宋端平中甃以石改今名俗呼爲大橋元至正間圯邑人史俊輪千金新之并甃東南市街明弘治中又圯知縣周楫重修嘉靖間又圯知縣黃縉重建 鳳詔橋

澄源橋俱在縣城內澄源廢

醋庫橋在縣治東

鍾秀橋在縣北三里舊名懷德橋明

成化間邑人史澄重建嘉靖中邑人于未甃以石又名鐘橋相傳古有銅鐘流至此得名今其鐘在慈雲寺聲特洪大以爲異製云 聯秀橋在縣北五里俗呼小橋邑人于未建 鄭

橋在丹陽門外三里武安侯鄭亨故居

沈瀆橋在縣北二里瀆口

三淹橋

松

子埠橋俱在縣北三洞鄉

高湖下口橋在縣北八里明永樂間廢爲渡弘治間縣丞毛信

重建

濯纓橋在縣北九里北通丹陽之要道舊名三里岸橋明永樂初知縣孫時重修改

今名弘治癸丑知縣周楫始鑿以石下爲三洞

觀龍橋在縣西南二里舊名社橋又名顧

龍明太祖經此改顧龍永樂間典史楊孟貫重修萬曆三十九年橋復圯邑人于孔兼捐貲易之以石改名觀龍自爲記

見龍橋在顧龍山南俗呼爲九里橋明萬曆庚辰知縣劉美建

自爲記

騰蛟橋在見龍橋西明萬曆庚辰知縣劉美建自爲記

周公橋在縣南十五

里跨錢貲蕩卽舊刁莊渡明弘治間知縣周楫始建木橋於上往來便之因名萬曆四十一年巡按薛貞邑人史弼史樹德助貲易以石

陳塘橋在縣東北十五里元至正間有陳某居

柘蕩出貲建橋故名

蓮渚橋在縣東北八里北渚蕩上流東通陳塘東北通柘蕩舊爲渡

人有溺死者明萬曆三年里人湯涵春建橋以濟

皇清康熙八年其孫諸生湯勵行增築南北岸圩埂高四尺許鑿石六十丈遠近便之

樂莊橋

宋紹興間有樂莊頭肇建因名

思墓橋在縣東八里地近左思墓因名舊架木爲之明萬

曆間土人易以石

橫堰橋在縣東十五里因灌漕時築橫堰於此故名

下塘橋在縣

北五里

路莊千橋宋嘉定十五年鄉人臧寶建

下墟橋在縣南一里宋紹興中李昇